



Saunia e Elder Neil L. Andersen
O Le Korama a Aposetolo e Toasefululua

E faapefea ona ou fesoasoani atu i TAGATA UMA ia lagona le talileleia i le Peraimeri?

E alofa le Atua i Ana fanau uma. O i tatou uma lava o Ona atalii ma afafine. E tatau ona tatou manatu alofa ma agalelei. O nisi o a tatou uo e o mai lava i latou i le lotu. O nisi e le mafai ona papatiso seia oo ina matutua i latou.



E mafai ona e aapa atu i se tasi ua lagonaina le tuuatoa-tasi po o le le amanaia.

O le iloaina o le igoa o se tagata e mafai ona faia se eseeseega.

Valaaulia se tasi e nofo i ou tafatafa.

Se'i o tatou faaloaloa teisi atu o tatou lima ma tatala teisi o tatou loto.

Fesoasoani ia i latou o loo lagonaina le fefe ma le matamuli. Mafaufau ia i latou. Talia lelei i latou.

Mai i le "Ai Se Talia i Latou ua Talia A'u," Liahona, Me 2016, 50.

AAPA ATU I Uo Fou



O Elder Neil L. Andersen ma lona faletua, o Kathy, na asiasi i le Ripapelika Temokarasi o Congo i Aferika. Sa faia le latou sauniga a le Ekalesia i fafo i lalo o ni faleie. Sa faataamilo i faleie se pa tele. Na iloa atu e Elder Andersen ni tamaiti o loo matamata mai ia i latou mai le isi itu o le pa. Sa fesili atu Sister Andersen ia te ia, "Mata e te manao e valaaulia tamaiti e o mai i totonu?" Sa savali atu Elder Andersen i le tamaloa i le masini faaleotele leo. Sa ia fai atu i le tamaloa e valaaulia tamaiti e o mai i totonu ma faatasi ma i latou.

Sa taufetuli mai tamaiti! Sa latou ataata uma ma le fialia i le avea ai ma se vaega o le sauniga.

Na faamatala atu foi e Elder Andersen se tala i se taulealea e igoa ia Iosua na aapa atu i se isi tamaitiiti i le lotu.

Ina ua faatoa alu atu Iosefa, o se taulealea mai Uganda, i le lotu mo le taimi muamua lava, sa leai sona aiga iina e fesoasoani ia te ia e iloa le mea e alu i ai. Ona faailoa atu lea e faifeautalai o ia ia Iosua.

Sa tau atu e Iosua ia Iosefa o le a avea o ia ma ana uo. Na ia tuuina atu ia Iosefa se tusipese mo le Peraimeri, ma sa ia nofo i ona autafa. Ona usuina lea e le vasega a le Peraimeri "O au o se atalii o le Atua" ia Iosefa. Na galulue tagata uma ina ia lagona e Iosefa le taua tele, ae maise lava o lana uo fou, o Iosua. Ina ua la matutua, na auauna atu Iosua ma Iosefa o se soa faifeautalai!

Sa faamanatu mai e nei aafiaga ia Elder Andersen e faapea tatou te manaomia uma lava le aapa atu i tagata o loo siomia i tatou o e atonu o loo lagonaina le tuuatoa-tasi po o le na o ia. ■

ATA NA TUSIA E JUJUSSA MORA